



松溪集

天

16
2409
1



和
2409
1-3

松溪集序

公自著并於詩稿



詩出性情性情寔亦假詩而發焉不其重歟古昔盛時太師陳詩以觀民風單辭隻句苟有可採者雖尋常閭巷之歌謠率以被之管絃何必匠門高手然後始可以鳴國家之盛乎此則取詩之法然也三百篇固皆得其正者也自餘詞家各隨所遇其發漸歧或乃月白河梁遠客思歸或乃斗酒城陰故人惜別或乃殘燈夜機嫠婦怨嗟或乃畫堂高宴貴遊歌舞或乃填然鼓之戰卒用壯或乃悠然而往蹇驢訪梅或乃搖落而悲烈士逢秋於是焉人之感於哀樂者有

本集卷一
萬不同龍眠難得摹其形仲連難得言其境也如欲
摹其所難摹言其所難言捨詩奚以哉余既知詩道
之不可廢也粵自弱冠留心吟詠撚髭一癖欲罷不
能久而至於卷軸之稍多才調下固不敢擬議於古
所謂得其正能見採者而亦不可不謂之性情之發
也而况不佞以忝聯 天潢之跡 花萼長余早受
知遇 奎章玉韻翩翩而降者指不勝屈則是誠人
臣極寶奉而輯之以壽其傳宜矣至若十年南冠與
愁爲隣觸境摘藻聊以寄懷風調聲格雖無可觀亦
有因此而想見當時事者燕遼星槎且與諸學士偕

焉長途遣興多所酬唱不知幾家旗鼓在我箱篋之
中烏可以泯滅也哉茲庸收聚繕寫作若干編 御
什之末敢附賡和諸作拙構之外備錄元韻次韻又
欲以日後所詠隨得隨書觀者其無以余之荒拙而
輕此稿也歲丙申暮春松溪序

仰和 春宮喜雨 偶吟二首

仰和 春宮夏日 書贈

遜志堂夏日聯句二首

偶得妙品墨卿封上 春宮仍承 賜詩仰和

仰和 春宮宜春苑 口號

北使餞宴 春宮攝行罷後臣欲與兵判具仁

塵較獵于蕩春臺 春宮戲贈一絕仰和

席上又呈一絕

仰和 春宮賜黃柑二首

仰和 春宮詠魚水堂鴛鴦

積雨初晴奉話 春宮醉裏書呈

仰和 春宮春日 口號

丙戌七月喪愛女 春宮贈詩慰懷仰和

春宮為吟兩絕聊慰悲懷仰和二首

丁亥夏赴燕 春宮贈別二律臨行仰和二首

百祥樓仰和 春宮戲贈

龍灣渡頭步李尚書行遠韻別灣尹李時棣

金石山戲次副价

湯站書贈副价便面

通遠堡次行臺謝借馬仍譏故事

盤山驛次行臺

廣寧前野借清騎獵副价先獲一鶴鶉以詩誇

之余得二雉步其韻戲答

小凌河次行臺懷古

次副价錦州衛感懷

寧遠衛戲答副价乞酒

次行臺望覺華島偶吟

塔山所答副价雨中述懷

中後所答副价謝送酒

登角山寺

撫寧縣次副价雨中書懷

回到龍灣別副价先往新安席上應呼

龍灣館仰和 春宮馳驛委贈

重陽令節到新安答副价述懷

葱秀山石榻仰和 春宮潛邸時韻贈副价

碧蹄館仰和 春宮書贈

拈韻呈 春宮 二首

疊用前韻詠槽溪山庄仍呈 春宮

卧病書呈 春宮

秋夜書齋述懷書呈 春宮 二首

戊子季秋蒙 恩暇往賞天磨聖居諸山到淨

慈寺伏承 春宮下賜 瓊韻與酒果光動

一行是夜與同伴飲待曉登高銀海渺茫錦

繡燦爛吟得二律仰和 二首

仰和春日 御製 二首

偶得暇日泛舟東湖 上登鳳翔樓仍 製長

律一首 下送拜手仰和

禁苑仰和 御製 二首

燕槎歸路到鳳城 王人賞 玉札珍羞以來

感懷既激仰和 御製

松溪集卷之一

詩

乙酉春獨留瀋陽仰和 竹梧軒 孝廟駐駕瀋陽時軒號

燕館便面韻付送中官

燕山萬里路 公子奈何遊痛哭分離日遲迴惜別

秋故園花政發清漢水空流聞道前期在 時有還之期 永

翹頭更上樓

御韻 孝廟潛邸時

南國無端客何因萬里遊夢迴 長樂月魂斷薊門秋

萍跡如蓬轉鄉心似水流與君今更遠搔首夕陽樓



屋後小泉奉 春宮讌話仰和 漫吟

北來霜鴈報三秋萬葉凋零也自愁
歛艷宮壺人欲醉夕陽明滅遠山頭

其二

秋靄晶晶映碧空斜陽紅葉亂流中
閒來目覺無餘事獨坐幽篁興不窮

御韻 孝廟春宮時下同

霜風蕭瑟度深秋徙倚危樓宋玉愁
孤鳥歸雲千里盡夕陽山色駱峰頭

其二

世上浮名摠是空臨流豪興一杯中
高車局束誠還歎泉響滔滔恨不窮

奉和 樂善齋 潛邸堂號 口號

一天霜鴈送寒聲河漢迢迢夜氣晶
卧病胡床仍不寐透簾明月照深情

御韻

月明池館靜無聲滿眼琉璃捲水晶
獨歎夜深君不到長河半落惱人情

仰和 樂善齋秋日 閒吟

紅葉依依繞碧山幽人何事掩重關
清吟獨酌疎簾

梅溪集
下
身與琴書自在閒

其二

斜日黃花映小軒
曲欄烹茗喚青猿
秋天木落金風冷
雨後苔庭獨掩門

御韻

秋風錦繡萬重山
葉落松扉何處關
世事都忘詩一首
浮生偷得片時閒

其二

夕陽煙柳倚危軒
愁恨還同鎖檻猿
萬里碧空秋色遠
霜鴻飛過掩重門

仰和 春宮漫詠春雪

輕寒二月旣春衣
遲日條風雪更微
琪樹臨軒涵玉笋
遊絲繞檻敞金扉
雲陰鎮岳山容翳
冰渙芳塘水面肥
一望園林開素萼
去年花事尚依稀

御韻

寒隨雪意入羅衣
冷逼輕風酒力微
柳杪封成璞玉樹
金門凍作琉璃扉
肯憐晏子狐裘暖
堪笑楊家肉陣肥
燕寂鶯愁花事誤
一春消息更依稀

仰和 春宮禁苑卽事

惆悵送春春可惜
已看城陌樹陰繁
池中荷葉呈新

色階上花枝帶舊痕垂柳含煙園 紫籞疎篁碎日
暎朱軒蒲園佳景知真趣肯與偷閒俗子論

御韻

燕語鶯啼春已老牧丹花謝綠陰繁晚桃爭艷斑紅色
曉露凝香宿雨痕把酒喜看佳景物吟詩好倚曲欄軒
亭臺處處無窮趣莫向人間說與論

仰和 春宮禁苑 口號

林塘雨歇翠煙霏夕照依依草際輝燕寂鶯愁春事
晚落花空自滿苔衣

御韻

輕煙漠漠雨霏霏嫩柳嬌花自暎輝對此如何不舉酒
翠林遙似綠羅衣

仰和 春宮喜雨 偶吟

滿天風雨漲湖波四野佳禾發穗多處處田家膏澤
足萬民應唱太平歌

其二

霏霏疎雨點輕波獨倚危欄逸興多最恨罇前無酒
伴空聞風便採蓮歌

御韻

霏霏好雨漲新波處處田家樂事多從此已知豐歲兆

九重應聞擊壤歌

其二

一夜池塘添綠波荷香和雨上欄多長廊小苑靜無事
閒聽流鶯百轉歌

仰和 春宮夏日 書贈

檻邊煙柳拂林塘萬朵芙蓉雨後香一瞻雲物猶仙
分碧藕金漿敢更嘗

御韻

朱欄曲砌傍池塘雨打荷花送暗香寄語紅塵奔走客
清幽仙趣暫來嘗

遜志堂

春宮堂號在時敏堂大池邊

夏日聯句

池波瀲灩漲溝渠雲物淨新霽景初

春宮

柳外金梭鶯睨睨山頭煙帳樹森疎

小臣

羅衫尚熱凝珠汗夕照生涼上玉除

春宮

小苑風清花政發荷香共賞奉 瓊琚

小臣

其二

雨意連雲千里黑清風欲起夕陽初琉璃椀薄蔗漿冷
白雪衫單羅縠疎

春宮

一兩嬌鶯啼古木千重晚綠繞層除

小臣

酬酢文章消永日愧將荒拙報瓊琚

春宮

偶得妙品墨卿封上 春宮仍承 賜詩仰和
猥進玄卿侍 玉臺豹囊珠麝摠奇才或從毛穎叅
詩律時逐楮生近酒杯翰苑風高蒼壁冷金池雨歇
暗香來薦賢應受招賢賞叨得聲名動九陔

御韻

毛生昨拜中書臺忽憶文房四寶才喜得一圭感厚意
媿無雙壁謝深杯光隨秋月雲牋動香逐春風彩筆來
寫盡心中多少興 龍樓問罷詠南陔

仰和 春宮宜春苑 口號

天末涼風起江城斷鴈歸郊原禾黍熟街市蟹魚肥

草樹迷幽逕雲煙澹古磯高樓秋日暮唯有落霞飛

御韻

亭榭殘暑退宮樹早涼歸柳悴鶯空去稻花魚正肥虫
聲喧北砌鴈影落南磯新釀清秋露玉杯月下飛

北使餞宴 春宮攝行罷後臣欲與兵判具仁

厘較獵于蕩春臺 春宮戲贈一絕仰和

河南還似獵心動正值秋郊草樹稀斜陽逐得平原
兔走馬橫鞘意氣歸

御韻

郭西風景日饒足公子將軍在內稀呼鷹逐兔灞陵下

公溪集

卷一

詩

六

柳溪集
薄暮橫鞭信馬歸

席上又呈一絕

豈容一豫誤 清儀只恐 誠心逐物移走馬平原
非快樂小臣猶憶曩時隨

御韻

君雖騁辯似張儀不作誠心物外移豈特雲煙過耳眼
莫言疇昔謾相隨

仰和 春宮賜黃柑

繞齒寒漿味政長劈餘清噴掌中香不須更美金莖
露共荷 恩榮醉玉觴

其二

下砌蒸承橘柚黃開封已覺襲清香劈破銀盤飛噴
藹夜深孤燭喜新嘗

御韻

三寸黃金綠葉長寒漿澁齒浹唇香何當劈破南州橘
剪燭西窗共引觴

其二

南州來貢萬金黃繞齒瓊漿噴鼻香忽憶吾弟分一半
洞房應與細君嘗

仰和 春宮詠魚水堂

在禁苑中鴛鴦

羽毛鮮麗已成文骨格清高自不羣日晚林塘春氣
暖誰誰時戲碧波紋

御韻

彩羽纔齊勝繡文貞心羞與鳥同羣池水初解春波靜
正是雙雙戲水紋

積雨初晴奉話 春宮醉裏書呈

春城花柳雨初晴霧散雲收景物清定識明朝問
寢早夕陽猶喜把船觥

御韻

宿雨初收春殿晴篆煙裊裊晚風清生憎饒舌少公子

欲酌醇醪罰巨觥

仰和 春宮春日 口號

漠漠輕煙雨後風一春豪興酒杯中傍人且莫催瓊
什獨倚危欄思不窮

御韻

輕寒二月妬花風細柳新蒲小澤中啼鳥盡情弄春色
醉飽公子興無窮

丙戌七月喪愛女 春宮贈詩慰懷仰和

今年又見去年哀層峰之淚舐犢愛芳魂寂寞歸何
處陳跡唯餘粧奩在玉女樓臺路阻脩天上那能去

鳴珮中心漠漠口啼噓落日悠悠雲鬢鬢可憐
鷓鴣

御韻

去年吾家喪愛女今歲君家亦喪愛兩家孩童非凡骨
子子精魂今何在天上若無神仙已應隨玉女鳴玉珮
河漢不盡水悠悠乾坤無際雲鬢鬢已矣覆水難可收
可憐長逝更不再

春宮爲吟兩絕聊慰悲懷仰和

一哭秋郊枝淚迴可憐蘭玉幾零落蕙質丰容如在
傍此生那得响响樂

其二

一別丹旌難更遇精魂千載孰招迴微物亦知悽愴
意夕陽深院鳥啼哀

御韻

秋日沉沉欲下雨悠悠意思悲搖落紅衣已盡渚蓮愁
草木無情傷苦樂

其二

春去秋來年光謝落花流水不曾迴人間萬理皆如此
何必空山哭盡哀

丁亥夏赴燕

春宮贈別二律臨行仰和

副价
卽都

憲朴遜行臺
卽應教金振

驛騎何事驟駸駸落日離筵別恨深
三夏行旌輕萬里一封鄉信直千金
燕山草樹當關暗鴨水風煙接塞陰
莫道炎程行役苦飲冰唯自秉丹心

其二

餞罷瓊琚携滿袖西天旌旆欲橫參
清遊駱下雲俱散離恨龍灣水共深
叱馭寧論征役苦匪躬唯有歲寒心
丹忱更結螭庭下欲去徊徨進六箴

御韻

關河征馬載駸駸驛路西連鴨水深
看日炎炎如爍石

火龍赫赫似流金渴來誰與冰漿冷
宿處難投樹木陰况是此行沙塞外
暮雲千里若爲心

其二

清秋會面雖非遠豈忍一時商與參
垂柳牽情鶯覘睨離歌唱盡恨采深
今宵花月三杯酒去路雲山萬里心
臨別贈言良有以送君揮淚賦規箴

百祥樓仰和 春宮戲贈

故園東望幾千里獨上高樓思悄然
寂寞鶯花春又晚夕陽橫帶暮江煙

御韻

松溪集
搖搖征旆今何處別後心思倍黯然莫遣折花驚蝶夢
鶯聲依舊柳含煙

龍灣渡頭步李尚書行遠韻別灣尹李時謀

陰山又此行何日更逢迎臨別無窮意孤舟萬斛情

御韻

沿路吟詠
宮並賜追次

奉使燕山萬里行江頭幾日笑相迎眼前須取深杯飲
莫話今朝遠別情

其二

征馬蕭蕭背日行遼山矗矗望中迎臨歧相送欲分手
夕照江波無限情

金石山戲次副价

日日負清債身心倍覺疲不妨人或笑更望寄新詩

御韻

追次
役役風塵裏心形俱自疲唯勝去來際贏得百篇詩

其二

雅謔資長道渾忘氣力疲何當東路宅把酒共論詩

湯站書贈副价便面

十年辛苦遼陽塞嶠命如今又出疆不料異鄉同
笑語那知此日共班行天連鶴野煙塵暗地接龍堆
道路長多謝新詩頗有贈聊將便面答輝光

松溪集

卷一

詩

十一

林澤集

御韻 追次

南接滄溟浩渺茫北來山岳鎮邊疆
風吹夜帳陰雲黑霜落塞天一鴈行
地近龍荒歸夢濶音疎鳳闕旅愁長
淒涼背日陵高去唯見殘墟夕照光

其二

昔聞掃盡腥羶穢混一乾坤萬里疆
文物衣冠超百代英標俊彥列千行
時移事變腸堪斷地是人非恨獨長
秋草荒涼唯月白慙慙酌酒慰清光

通遠堡次行臺謝借馬仍譏故事

鶴野茫茫路不窮玄黃那得任追風
倘騎此馬東門

外寧怕崎嶇暮夜中

御韻 追次

關山千里路難窮拂面時來廣漠風
音斷故園今幾許夢魂長繞玉樓中

其二

何須阮籍哭途窮鵬搏扶搖九萬風
磊落男兒事業志取看仁義力行中

盤山驛次行臺

難繼濁泉水何望紫禁冰古來行役苦
未有此炎蒸

公溪集

卷一

詩

十二

松溪集

御韻 追次

或涉火雲侵毒熱時從雪塞踏層冰君行快意無拘束
人馬何由氣似蒸

其二

觀海難為水夏虫豈語冰何如征戰苦謾說熱薰蒸頃在

北漢累從戎陣備嘗炎霜之苦故云

廣寧前野借清騎獵副价先獲一鶴鶉以詩誇
之余得二雉步其韻戲答

告功非獲雉獵騎謾平林野雀雖千數何當一大禽

御韻 追次

孤村煙斂日沉夕宿鳥依依投古林驢背渾忘前路遠
原頭耽看弋輕禽

小凌河次行臺懷古

荒城當道獨嵯峨弔古行人感慨多回首元戎歌舞
地夕陽空照舊山河

御韻 追次

城連白骨相峩峩懷古傷心恨獨多向夜月明人寂寂
灘聲咽咽滿長河

其二

古城殘堞尚嵬峩指點行人惹恨多謾說當年功業大

已將聲績擲流河

次副价錦州衛感懷

客中愁思轉如麻還美城頭返暮鴉近得故鄉書信
否枕邊歸夢到家多

御韻 追次

輕煙漠漠雨如麻衰草城邊柳上鴉客裏鄉心何處苦
淚痕偏向夢中多

寧遠衛戲答副价乞酒

沃渴無如金椀茗解愁元有滿腔春莫效當時畢吏
部府中應指酒饒人

御韻 追次

多少客邊恨能消一椀春縱然已不得莫作甕間人

次行臺望覺華島偶吟

訪古尋新遵海濱物非人異獨傷神可憐昔日乘槎
路幾度吾東奉表臣

御韻 追次

海雲初斷覺華濱宿霧沉昏倍愴神積水盈盈涵地軸
月明何處泣孤臣

塔山所答副价雨中述懷

滿天風雨濕征衣客裏新添白髮微爲問前期何日

是故鄉長在夢中歸

御韻 追次

催行四夜始求衣曉月含山欲熹微兩三火僕休言苦
為促來程是易歸

中後所答副价謝送酒

颯颯輕風細雨來征人正好倒金壘故將詩債論多
少送與香醪復一杯

御韻 追次

喜瞻送酒來驚却半殘壘饒作相如渴難霑水一杯

登角山寺 在萬里城頭

孤高絕勝角山寺粉堞崢嶸萬里餘北斗低懸天勢
盡東丘騁望客心舒燕山草樹圍平野鯨海滄波接
太虛千載此遊真不偶羽衣珠履訪仙居

御韻 追次

兩三和尚一山寺曾是當年霈澤餘嶽色千重運瀚海
煙雲萬里接荆舒秦城奮起天邊入漢業陸沉地半虛
寥落禪房無限恨英雄安得莫皇居

其二

角山寺裏鐘聲動萬木深陰帶雨餘詩為興催白戰急
愁從酒解朱顏舒僧歸石室香燈暗講罷禪堂俗念虛

千里驅馳勞客夢天邊引領望宸居

撫寧縣次副价雨中書懷

今年又作望鄉人萬里那堪一作奉使頻却喜前溪微雨過應知明日路無塵

御韻 追次

西來久作望鄉人澤國江山入夢頻與子何當歸落日鳴珂紫陌拂紅塵

到龍灣別副价先往新安席上應呼

塞上同回馬秋風客路長如何半途別又是近重陽

御韻 追次

把酒偏消恨論詩引興長君今先我去揮淚對斜陽

龍灣館仰和 春宮馳驛委贈

征旆言旋萬里外 玉樓初下 一封書字字丁寧

偏 友愛江干拜受更懷諸

御韻

夜聞歸鴈起邊思曉得燕山萬里書知爾相逢雖不遠願言日月速居諸

重陽令節到新安答副价述懷

饑歲民生困邊城畫角哀堯時九載水湯日七年灾心逐南鴻逝身從北塞來黃花滿四野恐負重陽杯

柳溪集

時值久旱杯
酒無心故云

御韻 追次

三農已失望萬姓誠哀哀我獨偏何故天胡降此灾燕
知社日去客趁重陽來仰副 憂民意丁寧戒酒杯山燕

則年豐故
第一聯云

蔥秀山石榻仰和 春宮潛邸時韻贈副价潛邸

還藩時并
伯詩酒奉別于此

石榻依然枕碧流黃花楓葉又三秋誰知今古深杯
酒為解長途萬斛愁

御韻 追次

碧山紅葉映前流畫出依然錦繡秋緬憶當時詩酒興
野情如舊盡消愁

碧蹄館仰和 春宮書贈

使節初從萬里迴忽擎 仙什喜難裁清秋驛騎追
風疾不待征鞭步步催

御韻

萬里西行今始迴怒然情悃可勝裁與君會面應來日
載驅撲撲須臾催

拈韻呈 春宮

畱心李杜竟難效空歎人間歲月增欲載兩牛唯素

公溪集

卷一

詩

十七

癖能安一字孰良朋聯床共聽東林雨對酌時逢北
斗僧莫厭樽前歌管足百年浮世劇風燈

其二

王城春色至梅萼日逾增遣興因歌管論詩仗友朋
或隨川上柳時訪定中僧醉後無餘事聞吟夜用燈

御韻

東君已報春消息聞道長安酒價增深院雅遊宜墨客
華堂會飲是良朋携奚或逐溪山與杖策時從雲水僧
世故且將拋物外香醪共酌對銀燈

其二

春氣初和暢良宵月色增吟詩仍作伴呼酒自成朋已
絕馳外念還同入定僧學文須莫懶快似一風燈

疊用前韻咏槽溪山庄仍呈 春宮

二百年間人所稱如今聲價十分增山為鳳翥為詩
料泉作龍吟作酒朋洞裏閒雲蔽古寺檻前明月伴
歸僧醒來忽看仙區勝翠壁依稀似聖燈

御韻

昔聞泉石共嗟稱聲價邇來百倍增豈獨溪山殊絕勝
况兼詩酒更無朋千峰迥處尋巢鶴萬壑昏時入院僧
醉後渾忘春日暮笑看碧落月為燈

其二

飛流百尺豈虛稱六月炎天爽氣增川響爭喧如鐵馬
詩情激發勝文朋澗邊啼鳥迎春色巖下長松伴老僧
山洞陰陰興未已夜深應點九華燈

卧病書呈 春宮

一病委床久未朝靜中愁緒轉寥寥隔牕遲日唯禽
語遶檻輕陰已柳條忽憶原林隨弋獵仍懷山澤問
漁樵微忱欲荷 瓊琚報却把蕪詞徹 丸霄

御韻

鷓班久阻獨趨朝青瑣金門揔寂寥須慎春寒攻藥石

尚凝簷溜作冰條休思快馬山前獵難聽漁歌谷口樵
低唱淺斟縱慰意應知鬱氣欲冲霄

秋夜書齋述懷書呈 春宮

文房四友政澄新玉簾銀床不到塵滿院蟬聲秋雨
裏朗吟空憶 和箎人

其二

雨後園林景物新篆煙起處靜無塵公子百年閒最
樂鳴珂羞作冶遊人

御韻

雨後天光更淨新煩襟滌盡一無塵蟬鳴樹裏微風起

端坐潛心對古人

戊子季秋蒙 恩暇往賞天磨聖居諸山到淨
慈寺伏承 春宮下賜 瓊韻與酒果光動一
行是夜與同伴飲待曉登高銀海渺茫錦繡燦
爛吟得二律仰和

萬疊仙區路居然辦勝遊洞深紅葉晚天濶白雲悠
江海吟邊入煙霞坐處浮此中多少興付與碧山秋

其二

肩輿催上路縈迴望裏秋雲自作堆勝地何嫌終日
賞香醪遙降 九天隈 恩深此夜三更飲霜過前

林萬壑哀獨坐禪宮無限意拜酬 仙藻愧非才

御韻

龜縮深宮裏聞君此日遊洞中琴韻響雲外籟聲悠望
遠心猶壯憑高氣欲浮醒來還又醉豪興與碧山秋

其二

寒聲已逐鴈聲迴霜葉先紅錦繡堆樂極那忘青瑣閣
登高應陟白雲隈飛流百尺添新興古寺千年感舊哀
賞罷歸期何日是佇看詩賦相如才

仰和春日 御製

秘苑叨陪 翠輦遊一望春色滿畿州蝶飛午院花

香動鶯囀西林竹影幽座匝壺觴添逸興身霑雨
露散幽愁微臣仰賀嘉魚樂醉後賡歌 白玉樓

右春日偶題

宮粧隊隊各徵歌 仙榜承 恩賞百花雨歇池塘
春欲暮沉香亭上晚風多

右效宮詞

御韻 孝廟登極
後下同

聞道人人爭勝遊忽望春色滿皇州羅幃風動朱簾捲
寶鴨香殘小殿幽柳綠花紅堪遣興鶯歌燕舞揔消愁
靜看萬物無違理徙倚閒吟百尺樓

右春日偶題

細腰學得風前柳醉臉爭嬌雨後花宮殿深陰晝漏永
登樓望遠夕陽多

右效宮詞

偶得暇日泛舟東湖 上登鳳翔樓仍 製長
律一首 下送拜手仰和

五月林亭積雨收花紅柳綠境清幽江干偶值金罇
滿 宮使還尋畫舸浮 情溢 奎章榮一世 恩
隆 花萼映千秋鳳樓 仙蹕違陪扈悔作江湖漫
浪遊

御韻

碧山煙斂雨初收
綠樹陰濃景物幽
孤鳥凌空千里沒
暮雲猶濕萬重浮
樓臺廓落心唯壯
欄檻虛涼氣似秋
遙想東湖應漲濶
知君今日泛舟遊

禁苑仰和 御製

四月園林草樹繁
澗邊啼鳥自相喧
猥侍 耿光看
物色樽前忘却到黃昏

其二

幽泉瀉瀉傍仙家
晚苑寥寥有落花
奎藻欲賡杯
更把莫教簷外夕陽多

御韻

羣芳已歇綠陰繁
澗草芊芊鳥雀喧
最愛清風北窻下
乘涼獨酌月黃昏

其二

臨流草屋似山家
玉洞天桃萬樹花
燕舞鶯啼春欲盡
獨憐檻外水聲多

燕槎歸路到鳳城
王人賫 玉札珍羞以來
感懷既激仰和 御製

旌節飄飄萬里迴
重宸安樂國無灾
朞功重服身
猶在銀燭青娥豈念哉

御韻

千里關山好好迴多隨福祿盡消灾沮江處處唯桃李
寧忍此時空過哉

松溪集卷之一

松溪集卷之二目錄

詩

癸未冬奉使瀋陽留質未還悵別副使韓判書

仁及書狀官沈舍人東龜于河梁悽然書贈

冬日即事

春日書懷

渾河野坂次李季真稹述懷

仲夏旅館重患癘疫沉綿四旬賴鄭太醫栴壽

用藥僅得回甦吟詩以謝

秋日書懷

旅館次賈島桑乾韻

仲秋挈眷以歸 昭顯世子暨今 上轉向燕

京渾河渡頭倏作東西聊賦悲懷

春帖應製

坡城客館候 世子回駕中夜述懷

赴燕登降仙樓和贈成川倅盧協

遼東太子河阻雨苦吟

題屹上人詩軸

七夕感吟

秋日口號

臘月鎖直揔府夜吟

吳斗元約會不來雨中有吟

端陽應製

七夕偶吟

送全昌君柳廷亮赴燕京

春帖應製

春意館次副价戲贈金羣玉振

書贈羣玉便面

除夜酒席應呼

迎祥應製

題悟上人詩軸

題崔溥飄海錄

春日聞隣笛述懷

齋室書懷

帶孟永光往遊槽溪

夏景排律書呈 春宮

天磨之行到大興洞女妓潭口號

賞盡天磨抵花潭書院畱守金潛谷堦携酒以

待話罷到棚巖潛谷更寄奚筒艱覓紙筆和

送

送吳尚書汝完竣赴燕京

送朴侍郎遜之慶州任

春帖應製

春日酒席次斗元

登暎波亭次益平尉洪子範得箕口號二首

明妃怨

辛卯冬赴燕京歷謁 長陵夜到臨湍和副价

黃子由原志感

玉潛泉次子由

栽松道中口占

明日是渡江日悽然口占

九連城露宿

松鷲山

柳田

湯站

鳳凰山

鎮東堡

鎮夷堡

觀獵

連山途中偶吟

次子由連山途中苦寒書懷

次子由高嶺口號

次子由謝高嶺借馬

甜水站

狼子山

三流河口號

次子由三流河述懷

冷井

遼陽懷古

次子由遼陽感懷

白塔

清風寺

筆管鋪

牛家庄

牛庄望月

三义河

沙嶺驛

次子由沙嶺述懷

平安堡

長墻

高平驛曉發

次子由曉發書懷

十三山

大凌河懷古

次子由過松山堡感懷

途中望錦州懷古 三首

杏山堡感懷

塔山所懷古

次子由塔山有述

次子由寧遠衛感懷

次子由過祖將舊第

六洲河

次子由前屯衛懷古

九江口

次子由望長城感懷

次子由望海樓述懷 二首

雲巖寺

萬柳庄

次子由射虎石有述

清聖廟

沙河驛回想去年光景 二首

次子由溱子店途中偶吟 二首

次子由玉田縣有述

玉田曉發

三河縣聞滿王還都與子由效摩詰酌酒體

次子由三河有述

通州示子由

客館逢立春感歎書懷奉子由求和

答子由數詩

答子由燕歌行

除夜口號示子由 二首

次子由除夕有述 二首

次子由元日試筆 二首

次子由燕京古意 十首

紀行

答子由傷春 五首

答子由人日步老杜韻書懷 二首

答子由春興八首

上元偶吟 二首

答子由燕京上元詞 八首

答子由擬四愁詩 四首

答子由詠懷古蹟 二首

一朔留館遽出朝陽胸懷爽然口占一絕

次子由贈通州主人黃秀才琮

答子由潞河詞 三首

獨樂寺

次子由玉田途中有述

次子由豐潤途中口號

次子由沙河驛漫吟

還到永平封狀 啓仍作家書子由喜幸書懷

奉和

永平途中

榆關

角山寺是燕路勝觀而子由去來俱未往訪恨
歎述懷奉和其韻

長城

喜出山海關

次子由連山驛夜吟

十三山

醫巫閭山

廣寧

次子由自高平過沙嶺途中苦吟

高嶺次子由

還到鳳城子由聞有長沙之命先發登程拈

韻得傷字口號以別

偶登仁王山洪都尉子範遊清風溪簡寄一絕

步韻以答

暮春泛舟東湖子範呼韻

奉別芙蓉翁尹叅議善道歸海南田舍

有人索酒題詩其壺

奉和尹叅議喜雨

步虛閣酒席應呼

廣陵歸路舟過尹叅議孤山江榭臨別奉和所

贈韻

奉答尹叅議謝硯滴 二首

壬辰仲秋蒙 恩暇往浴高城先訪楓岳登斷

髮嶺霧翳仙山未果眺望感吟

表訓寺贈義諶上人

贈香屹上人

叢石泛舟

鏡湖酒席奉贈柳巡相 慶昌

題楓岳遊山錄

統軍亭望鎮江書懷

廣寧衛次副价俞方叔 敬感懷 二首

述懷

次方叔廣寧途中有感

沙河站偶吟

清明感懷

答方叔沙河驛月夜卽事

沙河聞篴

客裏初逢春雨拈韻書懷

次方叔燈前感懷

月夜聞笛述懷

次方叔夜坐

次方叔觀戲 二首

次方叔感懷

次方叔述懷

次方叔燕京感懷 二首

禁苑感懷 六首

次方叔遊賞天壇 二首

回到通州述喜

次方叔過祿山橋

登望海樓 二首

望望夫石

出關詞 七首

過祖將牌樓

有喜

次方叔重遊統軍亭

松溪集卷之二

詩

癸未冬奉使瀋陽留質未還悵別副使韓判書

仁及書狀官沈舍人東龜于河梁悽然書贈

禾

共仗蘇卿節獨憐鍾子冠嗟嗟時世變脉脉別離難
罷酒殘燈暗臨歧片月寒雲山故國遠無計伴歸鞍

冬日即事

雪盡關山恨未消夢魂迢遞隔雲霄可憐月白風清
夜旅榻孤吟坐寂寥

春日書懷 甲申

霏霏春雨自雲門日暮天涯暗斷魂獨對陰山無限
恨隔年沙塞滯王孫

渾河野坂次李季真 稹述懷 野坂胡中亭榭之

曾質

寧風漠漠吹陰沙二月胡天尚未花為問何年歸故
國春遊隨意踏青莎

仲夏旅館重患癘疫沉綿四旬賴鄭太醫栴壽
用藥僅得回甦吟詩以謝

三伏炎蒸日孤臣卧病時故園千里遠命道十分危

客履塵空滿胡床琴自歌倘非神妙術羸脆竟何支

秋日書懷

胡天一鴈遠霜落客心驚野外荒煙斷愁中白髮生
旅窻新月冷危堞暮雲橫魂夢迷何處秋風萬里情

旅館次賈島桑乾韻

為質龍荒近十霜夢魂猶不度遼陽平沙萬里人煙
斷回首南關是故鄉

仲秋挈眷以歸 昭顯世子暨令 上轉向燕

京渾河渡頭倏作東西聊賦悲懷

異域星霜同楚囚如今何事又分輶天涯缺月三更

夢遼塞寒風萬里秋征馬踟躕如惜別
難留回頭泣望燕山路鳴鴈河梁不耐愁

春帖應製 乙酉

葭管灰飛令節迴氤氳春色滿宮梅
秦關已報烏頭白遼塞爭傳鶴馭回
瑞日初陞丹鳳闕祥雲迴繞栢梁臺
廷臣共賀昇平樂無限歡聲動九垓

坡城客館候 世子回駕中夜述懷 乙酉仲春昭顯永還

余率外戚迎于坡州

羶酪十年苦山川千里餘旋車有今日
歡意更何如

赴燕登降仙樓和贈成川倅盧 協

巫峽春風起清江暮靄收客中多少興
長遂一聲樓

遼東太子河阻雨苦吟

故國一為別他鄉老此生十年沙塞夢
四度遼陽城落日千行淚春風萬里情
汀洲夜雨急不寐聽江聲 是夜露宿

題屹上人詩軸

鳴沙十里海棠坡多少江山淨似羅楓
嶽道僧何處去滿城紅葉獨吟哦

七夕感吟

銀漢迢迢七月秋天孫佳會鵲橋頭
慇懃舊約三更

松溪集
夢縵縵深情一夜愁牛渚魚沉魂脉脉鳳機螢度恨
悠悠人間定復無茲別離合忽忽歲不休

秋日口號

木落天高夜氣涼羣芳已歇菊花香秋風吹盡關山
月無限霜鴻度夕陽

臘月鎖直摠府夜吟

省院寥寥靜不塵宮梅先放雪中春酒盡燈殘仙漏
永夜深寒月意逾新

吳斗元約會不來雨中有吟

丙戌

溪柳風前亞庭花雨後催夜深君不至燈下看金杯

端陽應製

魏闕端陽回令節羅衣初賜近臣時門垂艾虎羣
邪辟水鑄銅龍景福熙時久旱蒲酒盈盈登紫殿榴
花灼灼暎丹墀太平家國無餘事但使兒孫繫
縷絲

七夕偶吟

一葉初飛漢水隈夕陽秋色暎樓臺銀河此夜應多
恨靈鵲橋頭掩淚廻

送全昌君柳

廷亮

赴燕京

征旆搖搖九月秋關河萬里路悠悠皇華不復朝

松溪集

天舊寒菊空關立馬愁華表千年雲北去薊門斜日
水東流荒城破屋應多感處處傷心弔髑髏

春帖應製丁亥

玉曆頒春斗柄東韶年物色政冲融山河八域絃歌
裏簪珮千官拜舞中紅綻宮梅銜淑氣黃歸御柳帶
條風迎祥佳節持何獻唯祝龍樓壽筭崇

春意館次副价戲贈金羣玉振

美人含笑隔牕紗恰似蟾光映碧波遊客莫言腸欲
斷羅敷其奈有夫何

元韻

背立斜陽掩面紗羞人不肯送秋波風流御史休
回首縱有春情知奈何

次韻

羣玉

寶曆丹唇護碧紗仙冠疑自海中波多情不獨青
驄客門有郎君奈若何

書贈羣玉便面

四月離家九月還半年贏得鬢毛斑三庚異域炎蒸
裏萬里嚴程草樹間漠漠愁雲連漢塞蕭蕭暮雨暗
秦關玉河光景能相記御史休忘逆旅艱

除夜酒席應呼

公案集

卷二

詩

五

惆悵三杯酒遲回五夜深非為無來歲惟緣惜舊心

迎祥應製 戊子

金雞啼罷啓昌辰鵠立鸞班拱 紫宸淑氣纔迴梅
萼綻惠風初暢柳條新椒花頌祝千灾去栢葉樽開
百福臻唯願 清光同日月萬年長 御太平春

題悟上人詩軸

聞道仙區多勝遊未知飛錫幾回秋忽憶年前行樂
處滿山紅葉映清流 年前往賞
天磨故云

題崔溥飄海錄

杳杳耽羅外孤帆萬頃頭那知一陣颶已到浙江秋

春日聞隣遂述懷

花紅柳綠夕陽明檻外澄波鏡樣平隣遂何須吹一
曲故教詩酒答深情

齋室 慶德宮 書懷

齋室無人獨坐故宮寥落鶯啼看書未洽眠至不覺
羲輪向西

帶孟永光往遊槽溪 孟即中國名畫號貞明浙
江人勤邀東來是秋還送

籃輿携遠客郊野屬新晴倚檻青山近捲簾飛瀑明
風流仍勝會繪素又高名小醉乘歸興斜陽滿 禁
城

夏景排律書呈 春宮

好雨通宵漲石渠郊原霽色麥秋初殘霞捲樹山容
 淡返照當窻竹影疎林籟清涼登畫閣荷香馥郁繞
 層除盈樽美酒澗相似滿軸新詩錦不如却感 華
 牋傳巷谷非關木果要瓊琚人間湛樂三杯後世上
 風塵一夢餘使辨勝遊愁易祛相逢俗客趣難攄歌
 聲寥亮煩襟暢舞袖蹁躑逸興舒啼鳥流鶯喧古木
 綠陰芳草護幽居昇平公子閒無事醉眼朦朧望太
 虛

天磨之行到大興洞女妓潭口號

朝發雲居訪碧潭夕陽秋色滿東南由來俗客仙緣
 少真界煙霞恐不堪

賞盡天磨抵花潭書院畱守金潛谷增携酒以

待話罷到棚巖潛谷更寄奚筒艱覓紙筆和送

秋山錦繡勝春花洞裏仙潭繞彩霞慙慙詩酒來相

問多謝諸君禮數加

元韻

一曲秋潭楓作花溪山面面映朝霞河間經術尊
 先哲偃僂遺祠禮有加

送吳尚書汝完竣赴燕京

年年征馬繫門前萬里如何又獨賢
數句新詩慚授簡一樽芳酒悵離筵
寒生驛路霜侵袂歲暮胡山雪滿天
聞道花妖能誤事去來須勿太畱連

送朴侍郎遵之慶州任

燕塞纔同萬里愁如何今日更離憂
蒼黃五馬風霜裏朱墨三秋嶺海頭
西土曾聞宣教化南州佇看播歌謳
送君此夜情無極滿酌深觥月色浮

春帖應製

玉管葭灰動春城淑氣宣青幡消
宿聽綵燕頌新年日暖柳初禪
苑深鶯欲遷風光從此好爭媚艷陽

天

春日酒席次斗元己丑

東風桃李媚芳春盡日琴歌答令辰
醉後渾忘塵世事自稱吾是一閒人

登暎波亭次益平尉洪子範得箕口號暎波園中亭號

雨後林塘景物新綠荷風動水粼粼
朝退小亭無一事倚欄醺酒待佳賓

其二

方波萬斛鏡玲瓏人在樓臺縹緲中
天晴日午薰風細輸與榴花盡意紅

明妃怨

妙選江南入後庭
明眸朗朗似秋星
春風未解愁腸結
漢月空添怨淚零
雪滿穹廬思鳳闕
雲陰朔漠對羶腥
玉容未歇香魂散
塞土長留一塚青

辛卯冬赴燕京歷謁長陵夜到臨湍和副价

黃子由長陵舊漫浪志感奉坡州

前春省掃過 喬山攀栢終朝未忍還
况是使車西去路 可堪衣袖濕潛潛

元韻

使車催發向 喬山霜露悲情入夜還 經幄舊

臣回白首遙瞻 象設涕空潛

玉潘泉在蔥秀山次子由

昔日登茲榻依然碧玉源
十年為遠客幾度鎖歸魂
古迹皇華翰行裝彩鹿輻
來時春政好歌舞共胡樽

栽松道中口占

生來八度淚江遊
秋月春風摠作儔
十里煙波看漠漠
一城雲物望悠悠
華筵日暮歌聲散
旅館燈殘客夢幽
從古此間多勝賞
星軺那得暫淹留

明日是渡江日悽然口占

停蓋龍灣是胡山
隔水看坐思明日路
羈緒益無歡

九連城露宿

朝辭鴨綠水暮宿鎮江城積雪眠難就中宵意自驚
塵沙憂路遠星斗待天明莫道人將老風霜幾度行

松鷲山

華夷境界限山川日暮狂歌古道邊愁來直欲登高
去倚劔橫看萬里天

柳田

故國一為別他鄉道路難愁多傾玉笋日暮卸金鞍
北地凜風掣南天歸夢寒借言還塞者灣人有一一還歸者
報平安

湯站

墟落兵塵後荒城夕照邊征車卸積雪毳幕起寒煙
夜冷人敲火天清月滿川異鄉無限意對酒更悽然

鳳凰山

一片孤山安市城祇今猶說舊時名天連朔漠防胡
塞地接遼陽擁帝京鶴野千秋唯鳥跡龍沙萬里少
人行當年堞上辭天子知是三韓不世英

鎮東堡

松站

日暮孤城三兩村馬嘶人語共相喧箇中慷慨無窮
恨椎髻前頭不敢言

鎮夷堡

一名通遠堡

懷鄉徒有淚去國暗銷腸
草屋新茶店荒城古戰場
劍寒衝北斗裘暖却邊霜
日暮芻蕘絕悄然待送將

觀獵

盡日驅車謾自勞途中又值塞風高
時有獵人飛馬過男兒生世亦雄豪

連山途中偶吟

絕域年將盡故鄉天一涯
寒宵孤客夢難得到家多
次子由連山途中苦寒書懷

雪中經過已多旬面目憔悴不似人
此日登途寒更烈只言歸路伴青春

次子由高嶺口號

俯看霜雪滿天山憑劍長吁百二關
何由挽得天河水淨洗風塵宇宙間

次子由謝高嶺借馬

難於上蜀道安得並車轅路險層冰積
天寒虐雪繁深林投宿鳥疊嶺哭懸猿
莫道橫行志還慚老馬存

元韻

北來有高嶺從古戒征轅急峽藤蘿窄
窮冬霰雪

松溪集
繁相憐借宛馬歛過捷胡猿顧眄休疑老橫行志
尚存

甜水站

夢猶登 鳳闕醉或撫龍泉迢遞燕山路蒼茫歲暮
天寒威生雪後曉色拂窗前百感崩城下孤燈夜似
年

狼子山

故鄉今已遠異類反爲隣征路杳無極浮生恨不辰
衣冠渾慘目風俗更傷神幾度狼山宿悲歌恐有人
三流河口號

度盡三流水偏憐太子河緣何畱別恨嗚咽尚鳴波

次子由三流河述懷

客夢連宵斷家鄉天一涯河濱寒雪積墟落暮煙斜
絕壑猶啼鳥深林自亂鴉已愁山路細荒野更悠賒

冷井

東人來則盈去
則渴世稱神泉

天開此冷井唯待我行人臭味恒無變盈虛似有神
庚炎猶凜冽積雪更氤氳一飲胸襟爽心邊不到塵

遼陽懷古

百年形勝遼陽地雉堞傾頽草樹圍此日荒墟空鳥
跡當時雄府掣龍旂開門叛將名仍醜仗劔孤臣節

獨微舊物祇今猶白塔征人不覺淚霑衣

次子由遼陽感懷

遼塞興亡一奕碁祇今行客不勝悲雲陰破堞啼鴉
樹日沒荒郊立馬時鶴野反爲胡地牧薊門那見漢
家兒此中慷慨無窮意輸入燈前七字詩

白塔

遼城白塔護天神屹立乾坤度幾春巧匠曾勞治石
甃征人恒憇簇車輪鬼鬼獨閱滄桑事袞袞長臨浩
劫塵華表何年歸白鶴故墟唯見禿頭民

清風寺

在首山之陽

落日清風寺山僧挽我過胡麻盛玉椀香茗煮金鍋
洞雪行人少床經法侶多俯臨遼野曠撫劔更悲歌

筆管鋪

夕投筆管鋪冰雪滿溪流小店炊煙起前峰月色浮
天低遼野濶歲暮故園悠歸計何時定空嗟節序遒
牛家庄

朝上首山岡暮投牛氏庄旅窻關月白危堞塞雲蒼
故國音書斷殊方道路長歸期在何日搔首獨彷徨
牛庄望月

落日孤城暮色濃漸看新月上前峰今夜九重安

丙枕關河萬里息邊烽

三义河

遼河太子渾河水派作三义萬里流聞道江千元我
界何時重復屬東丘

沙嶺驛

當日王師於此敗可憐白骨藉途中機謀若用熊廷
弼行陣寧容孫得功半夜鼓聲遼塞陷片時鶴唳廣
寧空千年藩屏爲虛器長恨巖廊失禦戎

次子由沙嶺述懷

客中愁思付詩句醉後閑吟謾自刪衣沈黃塵俱跋

涉詞高白雪敢追攀來時驛路寒猶早今日龍沙月
幾彎千里故園將遠望胡山慘慘暮雲頑

元韻

牛庄沙嶺無新句病裏吟哦未易刪都削等威同
苦樂獨嚴詞律絕追攀遼山白雪風如砭霄漢黃
昏月又彎一步起居違數日思聞警歛起疎頑

平安堡

孤鎮危如百尺竿當時何事號平安極目黃沙多白
骨亂鴉飛下夕陽殘

長墻

在遼澤中

詩

茫茫遼澤淤泥地千里長堤 聖代修平濶曾聞方
軌過缺訛今見獨驢愁炎蒸六月蚊成陣雷雨三秋
陸運舟畏道北來無若此年年征役不堪憂

高平驛曉發

曉月蒼茫靄欲曙一望水路更艱難僕夫把火相喧
聒憑几車中夢未闌

次子由曉發書懷

半夜荒城吹畫角僕夫驚起整車驂登程自信唯行
北入野難分誤向南一代衣冠從此異百年文物使
人慚如今專對非吾分機事多端恐未堪

十三山

簇立尖峰似劔鏘古今畱斷幾人腸遠客斜陽愁眼
對持鞭數盡暮雲蒼

大凌河懷古

大凌河水何時盡長使英雄淚滿衣十萬漢兵同日
死祗今白骨照殘暉

次子由過松山堡感懷

昔日松山幾匝圍一城興廢繫關機倒戈叛將今猶
在辮髮詞臣古亦稀百戰荒墟枯骨積千年毀堞暮
鴉歸途中忽憶當時事校淚啼嗟對夕暉

途中望錦州懷古

一片孤城萬匝圍紛紛天下羽書飛偷生老祖還迎賊堪愧身邊舊戰衣

其二

天下援兵此地敗大明形勢已堪危當時內豎欺邊報月暈三年帝莫知

其三

一帶連城如破竹可憐白骨遍黃沙從此皇威遂不振百年宮闕暮鴉多

杏山堡感懷

落日低荒野陰雲接故墟極目人煙斷傷心百戰餘

塔山所懷古

萬古驚心此地事滿城屠戮一無餘男兒一歿何須恨凜凜英名竹帛書

次子由塔山有述

北塞兵塵起邊封月暈時天寒胡騎合日暮鼓聲遲世事嗟何及孤城竟不支人人皆歿節定不愧羌兒

次子由寧遠衛感懷

貔貅十萬屬元戎虎視龍沙一代雄事去已難酬聖主忠深猶未保家翁初心定雪燕京耻誤計還將虜

木溪集
騎通破賊功成身便死應知青史許吳公

次子由過祖將舊第

甲第朱甍起石門豪華四世摠君恩曾聞漢塞傳雄
略今見燕垠唾苟存破堞雲寒餘舊宅荒原日暮哭
新魂天殃竟是胡庭辱何不當年救我藩

六洲河

在中後所

河水遙從北地流縈迴散入作汙洲日暮荒沙秋色
遠望鄉孤客不勝愁

次子由前屯衛懷古

此地無噍類當時仗節誰偷生女子是避死男兒爲

日暮孤魂泣天寒遠客悲可憐忠義士猿鶴竟何之

九江口

勝地初來賞浮生辨壯遊村闌一片石村名城築九江
流削壁圍關口高墩列岫頭雄圖今已矣長嘯夕陽
樓

次子由望長城感懷

萬里周遭界夏夷縱橫粉堞入雲圍唯知胡虜千年
患豈料秦嬴二世非大海遙連高雉濶羣山迥繞列
譙飛祖龍壯略今如在邊塞唯應讐厥威

次子由望海樓述懷

一上丹梯意爽然扶桑遙看海東天肇基朔漠禹時
斧驅石滄溟秦帝鞭樓觀臨城形勝壯臺隍枕海關
防堅繁華已盡荒煙起搔首吟哦涕自漣

其二

百年形勝一危亭雉堞連雲萬里平關路蕭條通古
塞海潮寂寞打空城山河揔帶腥膻氣天地不聞絃
誦聲極目波瀾境界濶羽衣珠履欲登瀛

雲巖寺

在撫寧宛
耳山西

匹馬偶然尋古寺間村不正望中園一區清境還奇
絕獨倚蒼松對夕暉

萬柳庄

萬柳村庄尚有墟寒鴉飛集夕陽初依稀坐想當時
事多少朱樓綠酒釀

次子由射虎石有述

灤水雄城古漢關蒼然一片路邊頑百年畱號龍沙
外一箭穿痕虎石間彌節白檀軍旅肅違期南幕命
途艱九原倘得斯人起佇見塵清薊北山

清聖廟

在灤
河傍

孤竹清風灤水邊祗今遺迹此依然當時只爲君臣
重後日何須竹帛賢讓國高標頑懦起採薇貞節弟

兄全停車拜手松杉下祠廟無人鎖暮煙

沙河驛回想去年光景

去年今日此間過古壘風塵薄暮多飛騎忽傳還貢
女為停行蓋喜如何

其二

邊人來報單于死落日初斜古郭時兩夜催行六百

里片心唯恐三臣危

三臣即李相國敬輿
景奭趙判書綱

次子由溱子店途中偶吟

燕山路遠多苦客店天寒少人向晚風沙撲面共言

何日陽春

其二

却恨他鄉半載共愁官路三千何日更清宇宙中宵
獨撫龍泉

次子由玉田縣有述

客中愁思何時遣世事紛紛日就非捲地塵沙迷去
路連宵霜雪滿征衣薊門北望空煙樹海口南臨只
夕暉竣事還朝春定晚故鄉花柳減朱扉

玉田曉發

曉月蒼茫欲曙關山迢遞空愁可憐何日歸 國自
歎浮生白頭

三河縣聞滿主還都與子由效摩詰酌酒體

聞道黃兜回帝京吾東 王事可經營日歎風沙征
萬里還驚霜髮變千莖客子暮投野店冷羸驂曉發
陰飈擗異域間關同跋涉侍郎休忘此時情

次子由三河有述

小店晨餐過潞河天涯空惜送年華旅窻無夢吟邊
月征路多愁聽塞笳曠野唯看馳白馬中宵獨坐撫
青蛇 崇禎諸將曾兒戲戰骨空教似亂麻

通州示子由

通府雄城落日斜此州猶有舊繁華朱樓橫接燕京

市錦帆遙連揚子波齊地曾聞雙轂擊皇畿今見兩
肩磨那堪一入朝陽後分別征驂自各家朝陽皇
城東門

客館逢立春感歎書懷奉子由求和客館即
鴻臚寺

歲暮殊方逢立春東風官柳嫩黃新謾揮燕塞思歸
淚誰慰秦關抱病身五夜驚看回斗柄三陽空復屬
寅賓洛城今日家家樂應念天涯去 國人

次韻

臘月未窮先報春天機物態共催新名都令節看
殊俗旅館重局絆此身獨把詩筒傳苦意誰將樽
酒燕嘉賓衰翁已迫知非歲底處行葦不屬人

答子由數詩

一生君恩大欲報還無極二旬始北行所經多悽
惻三冬度間關殊方憊筋力四海風塵起專對非吾
職五夜歸夢潤故鄉無消息六出融城濕逆旅春光
逼七星南觀日那知玉樓側八百周宗滅天地胡雲
塞九廟皆灰燼古殿生荆棘十載長為客歸思日漸
亟

答子由燕歌行

萬里東韓客暮從燕市行天運雖已矣制度尚且宏
連薨百萬戶屹屹又重城一朝風塵起羽檄謾徵兵

輔弼皆貪虐至尊狃昇平唐仁由藩鎮大明家
奴傾堂堂漢天下胡無一請纓羯虜紛揚揚文物皆
變更獨步禾黍墟欲哭強吞聲撫劍和古歌誰識不
平情

除夜口號示子由

殊方空惜送年華處處春城欲放花草色微青天氣
暖日暉初永漏聲加盤無兼味憐羈病心有深愁厭
衆譁感却今宵添一齒獨聞窗外撲風沙

其二

燕都守歲憶京華半夜胡霜拂劍花故國音書千里

松溪集
斷異鄉愁恨一時加春光已入柳枝嫩曙色初開禽
語譁何日驅車歸鴨水煙花共醉渡頭沙

次子由除夕有述

爆竹聲中一歲除客心寥落夜窻虛胡姬酒薄難排
悶學士詩清獨起余燕地山川春一遍箕封家國
路千餘身如籠翮三韓使何日同驅薄板車

其二

他鄉今日滯孤臣守歲遙思故國人五夜鐘聲催漏
箭一窻梅蘂動精神漢庭事去衣冠變燕塞春還節
候新旅館寥寥天欲曙愁看九陌滿腥塵

答子由元日試筆 壬辰

惆悵燕都事已非更逢佳節苦思歸金臺落照空明
滅瓊島閒雲自捲飛一曲陽春聲咽咽三元淑景望
依依吾生此日唯何祝閒坐駝峰掩竹扉

其二

三元春色映樓臺還覺羈樽逸興催大液清波煙裏
濶居庸疊翠雨中閑百年文物何時復千里家鄉幾
日廻冷節如今唯泪沒旅窻無夢對蒿萊

答子由燕京古意

昔日皇都百萬家滿城桃李鬪春華天運已窮時事

松溪集
變愁看萬歲山起胡沙

其二

西湖遠引玉泉河屈曲汀洲水鳥多龍舟已覆繁華
盡古殿參差暎綠波

西湖在後苑玉泉河距燕京西北三十里

其三

宮殿沉沉繞彩霞九重唯見舊皇衙擎天玉柱今猶
在落日東風噪暮鴉

擎天白玉柱在承天門

其四

桂影婆娑太乙庭千官端肅禮圓靈腥穢卽今彌海
內鑪煙一炷舊香馨

其五

森森松檜翠交枝石鼓淒涼萬事悲此日烝嘗雖未
廢聖靈應不饗蠻夷

其六

訐謨內閣會羣英朝野猶期燕塞清豈料
百載滿朝文武揔偷生

其七

降氣怡聲侍紫宸誰知此輩揔權臣時平雖被君恩
重從古無多報國人

其八

松溪集

卷二

詩

二十三

椒房桂掖揔綾羅繡幕春深醉物華佳麗一朝零落
盡可憐珠玉愴岷巴

其九

文物繁華萬事灰夕陽明滅照空臺欲知家國興亡
事只在求賢不在財

其十

燕市風光薄暮多金鞍玉勒幾人過事去時移文物
變中宵撫劍獨悲歌

紀行五十韻排律
用進退格

平生賦命最嶮崎天道盈虛更怨誰往歲風塵那忍

說此時家國儘堪危弱冠爲質赴遼塞永夜銷魂

滯月氏楚奏三年空抱膝秦關幾度暗攢眉二句鸞

臺忽報星槎動鳳闕翻看彩節移已喜名卿充副

价還驚宗戚掌關機親朋競集盈詩索祖席連仍恟

酒卮萬里長程輕跋涉八巡遠役慣分離人情自己

厭辛苦薄俗還嗟饒是非餐雪敢辭衝朔野瞻雲叵

耐戀宸闈食其何事稱狂士山簡空傳醉習池一

高陽洛水波光橫暮渡坡山月色照虛儀喬陵展

拜淚初灑象設遙瞻心轉悲坡州長陵滿月庭前金管

弄紫霞洞裏玉簫吹松都金郊快騎爭飛翼金川石榻香

醜倒接雁壁上蒼苔埋翰跡橋邊丹壑映清漪玉瀟川

驛亭舊號龍泉劍瑞興幕府新麾雉尾旂黃州客子催程

微雨捲女郎迎渡夕陽遲練光從古繁華盛浮碧而

今景物熙錦繡流霞天外迥綾羅芳草霧中萎綺筵

當暮管絃逐鯨飲通宵氣力疲以上落日轅門鳴鼓

角涼風牙帳擁貅貔吳姬翠黛歌聲咽越女紅粧舞

袖垂香嶽騁望浮翠靄清江初渡起陰颼紗窻月白

霜寒夜羅幌燈殘客夢時以上霧捲東臺捫斗柄雲

凝北極接城隍壓臨胡地客襟激遙望帝居行憶披

以上雲暗雲興名自壯龍灣龍骨號何祁統軍亭畔

烽火近松鶻山腰雪影采御史霜威搜及橐江渡鎮江

露宿冷侵肌九連城毀庄崩壘堆骸骨虛落荒村長葛

藁千里行裝携寶劍半年逆旅富清詞早閱寨柵爭

驅馬晚出林逵競獲麋嶺岫遙連燕塞障兩嶺河流橫

接鴨江涯八渡河盤回白塔聳原野遼東屈曲長堤連澤

陂築路燭下裁書憑信使牛庄愁中筭日杳歸期遙山路

轉行如蟻小店天寒縮似龜浦口邏城通海運峰頭

列堠鎮邊陲一句崢嶸粉堞今將圯長城縹緲朱樓半

已歎望樓海薄暮煩冤聞漢鬼趁朝馳逐見羌兒灤河

訪古清風凜祠廟畱名孤竹微一句煙樹茫茫迷

蘇府漁牙檣簇簇蔽江湄通金臺落照空明滅以下
瓊島晴嵐自捲飛文物傷神徒涕淚衣冠慘目獨嗟
各館門晝閉心長鬱旅榻宵移恨轉彌寂寞圍碁唯
妙悟紛紜酬事必精思春回絕域遊絲動夢斷東關
片月虧骨肉離違悲歲隔鬢毛凋落歎吾衰却蒙蕪
語詞人潤也感葵衷 聖主知十載他鄉恒作客暮
煙宮闕益淒其

答子由傷春

臘去寒猶在春回雪欲濃覬覦經數代倉卒引羣兇
王氣歸何處腥塵蔽幾重煙光宮柳繞山色禁園供

衣服驚新制樓臺慘暮容休言神物盡太液螿蛟龍

其二

竹動風前影梅開雪裏枝塵埃渾鳳闕景物尚龍池
世事浮雲變人心累卵危春秋懷獨置皮幣淚長垂
故國無音信他鄉歎別離春光回萬歲佳氣憶逶迤

其三

吟詩寬恨結把酒解愁圍仁義人安宅繁華世禍機
狂風吹古塞羯鼓動皇畿半夜輸神器中途棄衮衣
山河春氣滿宇宙漢人稀千里龍灣路何時並轡歸

其四

故國書難寄他鄉夢不真星槎愁滯薊馬角憶留秦
辮髮彌雙闕紅眉奪九嬪徒聞從衛律未見効張巡
第宅皆新主衣冠憶舊臣憑樓望紫陌春色拂輕塵

其五

絕域春光動故鄉歸夢多乾坤昏日月南北滿干戈
暮靄橫瓊島愁雲接潞河清宵空太息旅榻獨狂歌
輦路生禾黍梨園長女蘿傷時無限淚頻灑望中和
殿名

答子由人日步老杜韻書懷

孤館寥寥回令節強將新曆客中看千條嫩柳青春

早一樹香梅白雪寒栢酒金花空自對高山流水向
誰彈何時賭得東歸計細筭燕山道路難

其二

佳辰栢酒強歡笑鏡裏衰容不耐看羈恨厭聞宮漏
永壯心頻撫劒光寒逢春遣興詩千詠入夜銷憂碁
一彈他日東歸豈相捨關山萬里共艱難

元韻

元日已過人日至客中衰鬢鏡中看吾生努力須
談笑王事薰心奈熱寒鼻倩小方聊自驗馮驩
長鋏為誰彈他鄉作伴違同榻浮世真知有四難

西湖春色滿園林翠靄霏霏古木森月照金臺空漏影雲橫瓊島自成陰天時已去尚誰咎世事頻翻祗此心寂寞虛窗驚客夢幾家墟落動寒砧

答子由春興八首

杜詩秋興韻

其二

五鳳樓頭落日斜禁園春色闋繁華橋邊弱柳添新色雪裏寒梅發古槎事去未聞持漢節愁來那忍聽胡笳啼噓獨坐無人問半夜清霜拂劔花

其三

宮殿參差帶夕暉暮煙山色轉霏微蘆溝曉月空明人違春回宇宙冰初渙卧柳生心水面肥

其四

從古神京似奕碁人間萬事不堪悲百年文物從新制一代衣冠異舊時逆旅春回花柳動家鄉路遠夢魂遲月明何處吹羌篴暗送飛聲惱我思

其五

何日重光萬壽山 聖靈應在五雲間烝嘗久廢苔生逕洒掃無人晝掩關衰草離離埋石獸荒煙漠漠繞屏顏盈庭玉帛當時會恨未同隨拜舞班

春色初回紫陌頭
煙花正耐繞長秋
旅窻獨酒三更
淚落日空齋萬斛愁
白玉柱前餘舞象
昆明池上點浮鷗
紛紛兵甲何時定
漠漠風塵滿九州

其七

神都定鼎仗 皇功黃屋參差五彩中
赤子祗今思漢俗
蒼天何日變胡風
半年贏得顛毛白
萬里愁看落日紅
好伴青春歸故里
駱峰明月一閒翁

其八

燕京街巷自逶迤
嫩柳依依繞澤陂
半夜歸心懸北極
一春詩興付南枝
彤庭寂寞瓊樓仄
天柱傾摧玉座移
昔日衣冠那再見
白頭空自淚雙垂

上元偶吟

燦爛千燈與晝同
紛紛車馬逐街中
一輪孤月明寒夜
九陌清歌動碧空
玉漏莫催春曉箭
金吾無禁漢時風
浮生倘得葉仙術
瞬息乘橋到海東

其二

此夜燈光萬戶同
冰輪高掛碧雲中
香車寶馬彌街市
鳳管鸞歌徹太空
宮裏銀壺催曉色
陌頭煙柳弄春風
異鄉惆悵經佳節
何日言旋鴨水東

答子由燕京上元詞

此日燕京百戲宣萬家燈費幾千錢月明街市填車馬一夜笙歌動九天

其二

九陌歌聲擗達朝滿城士女戲清宵錦繡叢中陳寶翫正陽門外六鰲燒

其三

燕都此夜紫姑還膏粥盛來白玉盤柳枝求卜千年俗遠客今來且細看

其四

惆悵人間萬事悲故宮寥落帶春輝繁華散盡無餘事燈市唯看醉舞歸

其五

多少長安豪俠子雙雙携妓滿燕市佳人休唱漢時歌古調誰知非與是

其六

荆楚黃柑文錦裹五侯相贈萬千顆醉後相携登玉樓喜看燈燭滿城火

其七

滿城車馬路還窄碧落冰輪映街陌遊妓雙雙歌落

梅人人爭把纏頭擲

其八

梨園弟子摠年少歛衽爭歌碧玉調
依稀煙霧見丰容恰似天桃帶雨笑

答子由擬四愁詩

晉張衡體

我所思兮在鳳闕孤臣戀
主何時歇異鄉羈愁空白髮
忽憶瓊樓同大枕何心獨把斗酒飲
百年恩寵過小品平生戒意只恁他

其二

我所思兮在駱峰玉清泉流爽襟胸
畫堂側畔春酒

濃空掩紗窻月皎皎旅情愁思一時肇
未知此行何

日了關山難越目眇眇

玉清洞名

其三

我所思兮在東郊古栢蒼蒼玄鶴巢
薄暮歸雲擁樹梢萬丈飛瀑夢中看
覺來依稀倚闌干歲歲空歌行路難
天末回頭月團團

其四

我所思兮在漢水春波如練彩船艤
清歌妙舞匝羅綺畫閣新構宴佳賓
詩酒歡娛花柳春如今又作遠遊人
何日東歸解眉顰

答子由詠懷古蹟

易水風寒壯士悲
輿圖尺劔動隣師
邦謀枉恃憑河
勇機事從差倚柱
時棠社荆榛終古恨
薊門歌筑至今思
行人欲問金臺處
衰草荒雲指點疑

其二

燕獄深深晝鎖門
小樓遙隔犬羊村
中原無主風塵
暗崖海傾舟宇宙
昏莫道元朝多偉器
未聞柴市吊忠魂
君臣大節千秋仰
丞相精忠竹帛論

一朔留館遽出朝陽胸懷爽然口占一絕

重門牢鎖久孤客
不勝愁忽出通州路
浩然聯轡頭

次子由贈通州主人黃秀才琮

春城返照斜花柳
闌繁華客裏逢佳士
愁中問酒家
通情相畫字接膝
更煎茶逆旅分離後
相思天一涯

次韻

明朝文進士韓禹甸代黃琮作

偶值高軒過衣冠
耀目華奇文驚滿座
僻巷愧當家立雪中
宵帳呼杯北野茶
詰朝乘旭去望斷水
云涯

答子由潞河詞

春江日暮水如綾
正月東風僅解冰
多少商船泊煙渚
夕陽山色望層層

其二

朱樓貝閣挾江涯落日春風晚浪斜金鞍白馬多遊
子薄暮垂鞭問酒家

其三

通府雄城帶潞河錦帆遙接浙江波從來此地多名
妓日暮青樓亂唱歌

獨樂寺

寺額李
白手筆

聞道唐時題梵額謫仙遺跡自天真朱樓縹緲千年
寺金佛雄奇六丈身寶殿風鈴搖有響道場香案淨
無塵重來此地逢僧話落日墻頭柳拂人

次子由玉田途中有述

藍田風惡沙塵起遠近濛濛晝變昏亂後荒蘆幾處
壘望中煙柳萬家村歸程細算心逾促鄉信初憑夢
更煩燕塞十年恒作客夕陽羌笛此銷魂

次子由豐潤途中口號

暮投曉發何時了愁見平坡日欲曛崩壘荒煙那忍
過殘民苦語不堪聞金繒弱國羞千古霧露長程病
九分昨夜夢魂歸北闕欣然談笑侍吾君

次子由沙河驛漫吟

客子回車春氣暖灤河水渙水悠悠半年薊塞唯看

劍二月燕山尚衣裘日夕長程催匹馬風光異域倦
雙眸朝 天舊路空來往江漢傷心淚共流

還到永平封狀 啓仍作家書子由喜幸書懷

奉和

進退格

荒城寥寂塞雲平遙憶家鄉萬里程燭下裁書憑信
使夜中封疏達 官庭百篇瓊什傳人誦一寸葵心
向日傾 王事驅馳那敢說徒將榮辱付圓靈

永平途中

荒城古木鳥投棲愁見西峰日欲低冰渙長江沙岸
沒煙籠曠野遠村迷半年 王事留燕塞萬里春光

赴馬蹄處處將詩酬物色錦囊還喜富新題

榆關

年來五度過榆關寥落荒村屋數間漠北愁雲連鶴
野天南歸鴈向燕山乾坤多亂風塵暗日月無光草
樹殷細筭前程餘幾許春花未落定東還

角山寺是燕路勝觀而子由去來俱未往訪恨
歎述懷奉和其韻

古寺迢迢碧岫頭天風時送磬聲幽晴嵐下繞長城
迴晚黛橫臨大海浮歸客貪程難駐馬往年隨伴始
登樓途中不必吟哦久風景何能望裏收

松溪集
元韻
聞說長城最上頭角山孤起梵宮幽流丹倒映滄
波蕩空翠高臨粉堞浮賤子塵蹤終有障玉人颯
馭昔憑樓東歸猶有誇張地望裏風光橐裏收

長城

粉堞蜿蜒勢最雄連雲橫亘限華戎周遭萬里跨東
海完厚千尋捍北風創築幾多黔首怨關防終亦祖
龍功塹山堙谷勤排布人力還忝造化工

喜出山海關

曉出關門並轡歸却言燕館久相依自欣車馬馳長

路那避塵沙污客衣曙色蒼茫山外遠春光淡蕩望
中園情深異域同甘苦托契何須計等威

次子由連山驛夜吟

春深北漠尚凝嚴五夜寒風利似鎌客裏裝儲元有
限虜中求索益無厭半年遣興憑詩壘千里消憂覓
酒帘抱膝閒吟仍不寐一窗蟾影透輕縑

十三山

翠靄濛濛繞幾重斜陽立馬十三峰不獨人悲時世
變碧山猶自帶愁容

醫巫閭山

木溪集
殘橋駐馬望醫巫形勝奇雄接塞透一帶春光空淡
蕩千年淑氣自縈紆山中路險仙區秘洞裏雲深俗
轍無恨未登臨成宿志斜陽獨立謾踟躕

廣寧

曾聞鶴唳潰雄兵漢壁還爲北虜營草樹平蕪仍收
馬鬣堆積僅容程春風弱柳迷荒野落照寒鴉噪
毀城當日邊防嗟失此祗今形勝控神京

次子由自高平過沙嶺途中苦吟

曾憂沙嶺道途難今復間關草樹間陸地舟楫乘似
海暮天風浪起如山隄防盡圯危人過行李皆霑怒

僕頑千里驅馳同喫苦他年毋忘此辛艱

高嶺次子由

崎嶇嶺路接牛斗孤客難堪歲歲來鶴野千秋雲北
去燕山萬里日西頽纔離異域愁眉展漸近吾東笑
口開正想龍灣新釀熟江頭絲管共啣杯

還到鳳城子由聞有長沙之命先發登程拈

韻得傷字口號以別

還塞聞君謫遠方吁嗟不覺淚盈眶方春正喜聯歸
轍今日那知把別觴否運雖來應有泰浮言自止竟
無傷可憐從此還分袂愁看長沙道路長

偶登仁王山洪都尉子範遊清風溪簡寄一絕

步韻以答

雨後青山景物新 舊宮庭畔百花春忽聞苑外笙

歌咽疑是瑤臺駕鶴人

暮春泛舟東湖子範呼韻

此日居然此地遊政當花柳映清流春江水漲歸帆

疾古寺鐘鳴暮靄浮綠蟻催斟罇正滿金魚細膾網

初收浮生領得湖山勝一洗胸中萬斛愁

奉別芙蓉翁尹叅議善道歸海南田舍今潛邸時

師傳余亦受學而無意
青雲今方解職還鄉

此日 恩榮新陸惜未終拂衣湖海正春風傷時抗

疏昏朝高名赫遯世忘機晚節隆立雪徒懷尊敬地

撞鍾難報漸磨功河橋不得拚歸旆邂逅還如一夢

中

有人索酒題詩其壺

一札傳饑渴三人坐寂寥佳肴兼美酒須與度清宵

奉和尹叅議喜雨

嬰茅未覺 聖躬疲格帝純忱衆莫窺南社一霖如

不降東丘萬姓定何爲已知野叟堤爭障更想農人

未競持從此年豐 邦又泰欣然共覩太平時

步虛閣

槽溪閣酒席應呼

五月東郊積雨晴
憑軒俯瞰暮山青
花開曲砌娟娟色
水滿澄潭灑灑形
細月依旃簾外動
清簫嘹唳枕邊聽
華筵細筭王城遠
猶恐歸鞍醉未醒

廣陵歸路舟過尹叅議孤山江榭臨別奉和所

贈韻

廣陵歸路訪詞翁
片帆飛過落照中
下筆文章喧萬口
對罇和氣暎雙瞳
孤山松菊柴桑趣
晚瀨漁舟七里風
自喜珠璣今又得
錦囊珍重付奚童

奉答尹叅議謝硯滴

金星象簡醉吟時
聊贊文房一段奇
野服長時馴白鶴
朝衣何日曳彤螭
風流白傅心常慕
著述玄亭想有期
面八削成宜正直
芙蓉君子莫為辭

右八面硯滴

世上誰知楚卞和
政如腔裏暗翻波
休嫌玉宇風雲秘
長使金池雨露多
物亦方圓皆異制
人之鑿枘豈同科
滌塵最妙書齋用
醉後濡毫寫卷阿

右圓硯滴

壬辰仲秋蒙 恩暇往浴高城先訪楓岳登斷
髮嶺霧翳仙山未果眺望感吟

玉宇雲猶在銀鬢半露形欲看真面目相與禱山靈

次韻

鄭善興

吾登斷髮嶺山色萬千形定是真仙界逍遙爽性靈

表訓寺贈義諶上人

曾聞玉岫接天虛今似瑤京雪霽初萬瀑洞流喧古壑十王峰雨暗仙居祇林日暮幽禽返石室雲深俗客疎杯渡老僧頗識道談玄忘却夜將除

贈香屹上人

盡日携筇萬瀑洞滿山紅葉映清溪此行祇是尋仙

別望金臺鶴舊棲

叢石泛舟

風景關東凡幾州通川奇絕駕虛遊狀如攢竹叢叢石白玉樓頽謾柱留

鏡湖酒席奉贈柳巡相

慶昌

纔別峴山首襄陽旋登鏡浦秋微雲沉畫閣細雨濕輕舟已覺恩波重難忘禮意優重遊未可卜欲去更淹留

次韻

奉節來遊地華軒暫駐秋忝陪滕閣宴同泛會稽

舟滿目湖山勝傾情禮數優天公能解事好雨遣
淹留

題楓岳遊山錄

幸際明時宿願成仙區踏遍白雲生今朝偶閱遊
山錄楓岳還如夢裏行

統軍亭望鎮江書懷

癸巳

黃沙白草望悠悠徙倚危欄客自愁無一繁華亂離
後夕陽空照暮江頭

廣寧衛次副价俞方叔感懷

半世偏蒙大枕榮長陪湛樂是丹誠如今塞外逢

佳節常棣將歌曲未成

其二

此夜隣雞唱已三孤燈無夢恨難堪萱闈何日斑
衣舞陟屺思深味不甘

述懷

三月三日好時節底事風塵獨遠行驛路多愁形易
老旅窻無寐夢難成連年胡地空含憤萬事人間不
欲生此夜羈懷何以遣謾吟詩律把深觥

次方叔廣寧途中有感

客裏無人問若何故鄉音信隔關河
猗風曠野黃塵

暗落日崩城白骨多
萬里行旌飄塞外
一年春色滿山阿
荒墟極目炊煙斷
幾度傷心此地過

沙河站偶吟

落日迷荒野
春光鎖漢關
故園何處是
東指萬重山
清明感懷

逆旅逢寒食
天涯又暮春
吟詩瀉懷抱
把酒解愁顰
野店閒花發
荒墟嫩柳新
園陵未拜掃
空自淚霑巾

答方叔沙河驛月夜卽事

辮髮新清制
荒城故漢關
啼嗟仍不寐
明月上前山

沙河聞蘧

塞天霜月半輪明
此夜那堪故國情
獨倚寒窗仍不寐
何人吹送斷腸聲

客裏初逢春雨拈韻書懷

昨夜乾坤雨初降
綠楊如畫草如茵
燈殘旅館愁依舊
枕夢斷家鄉淚滿巾
落日薊門煙樹繞
春風野店杏花新
何時馬首東歸去
醉舞長歌鴨水濱

次方叔燈前感懷

永夜孤燈愁不寐
年年何事憶京都
匣中空吼龍泉劍
櫪上閒嘶一丈烏
燕薊春寒風捲地
遼陽路險陸

乘桴卽今宇宙腥塵暗何處英雄隱市屠

月夜聞篴述懷

裊裊斷還續誰家怨篴聲可憐今夜月應照故鄉明

次方叔夜坐

殘燈夜坐恨如何九度關鴨綠河誰慰故鄉書久
斷自憐孤館病常多三更月色明還暗千里羈懷嘯
復譌聞道中原猶戰伐遺民應復憶廉頗

次方叔觀戲

半年蹭蹬在殊方舉目無歡獨卧床今日偶然觀百
戲伶人檀板揔歌唐

其二

優人換面怪奇呈道是相爭第一名戲到別離看更
感天涯逾切故園情

次方叔感懷

天涯底事淚空零却羨飛飛聯鷓鴣異地自憐雙鬢
白夜窻愁對一燈青匣中龍吼如相和檻外鶯歌不
忍聽半載淹留猶未返簪裳何日拜 螭庭

次方叔述懷

盡日風沙打客窻擁爐聊自酒開釭舌官頻報傷心
事半夜驚聞戶外聲

次方叔燕京感懷

獠舌紅頭彌宇宙幾時天道更昭昭
黃昏古塞腥塵暗日中原旺氣消
半夜羈愁侵畫角百年遺恨徹
雲霄臨風獨立長歌發月下槐陰滿地搖

其二

想像文皇貽厥謨辛勤開拓萬年都
衣冠忽已歸腥穢景物依然似畫圖
碧落愁雲沉舊闕黃沙落日泣窮途
山河竟是誰家物玉帛空輸辮髮徒

禁苑感懷

畫閣參差迥接空石橋橫亘狀如虹
金魚玉螻堪惆

悵獨倚朱欄聽北風

太液戶橋左右有金魚玉螻兩牌樓

其二

綠波漾漾接天光極目蒹葭帶夕陽
太液繁華行樂地那知今作羯奴鄉

其三

朱箔銀床不到塵一望堤柳綠陰新
臨漪水榭真奇絕簷外時看赤玉鱗

臨漪亭水榭在湖中

其四

粉墻傾側自荒涼輦路依稀野草長
獨立湖邊空歎息晚風時動嫩荷香

四首太液

其五

從古繁華造物猜，舊宮唯有夕陽來。
龍舟此日歸胡主，恨殺皇京萬事灰。

右龍舟

其六

廣寒樓上日西沉，萬歲山中滿綠陰。
珠翠繁華零落盡，寒鴉空自噪深林。

右萬歲山

次方叔遊賞天壇

在正陽門外八里

穹窿圓屋架虹梁，檀桂陰陰一逕蒼。
廡配列星祈祿命，壇安上帝薦馨香。
裸將齊整畱華制，簾幌森嚴作夏涼。
此去昊天應不遠，潛然暗訴我心傷。

右皇穹宇

玉欄雲影望森森，誰料今行此偶尋。
壇築瓊瑤三峻級，祀陳牲醴一誠心。
方圓墻壁儀天地，玉帛焚燒自古今。
今日暮仙區，人跡秘隔林幽鳥。
謾相吟

象天地方圓

壇上飾以琉璃墻制

右天壇

回到通州述喜

征車此日發燕京，喜望家鄉萬里程。
征馬似知歸意速，晚風起處四蹄輕。

次方叔過祿山橋

一號漁陽橋

松溪集
誰人乃作此橋名每欲回車意不平從古薊門征戰地夕陽殘郭暮煙生

登望海樓

眺望三韓眼力窮浮生無計葉橋通香茫銀海波濤靜極目孤帆逐晚風

其二

寂寞荒城暮打潮危樓空自倚迢迢征帆定有蹈東士雲海茫茫不可招

望望夫石

可憐姜女廟寄在望夫山十載音書斷何時板築還

祇應穿淚眼猶憶亂雲鬢片石如將語幽寃晝掩關

出關詞

今朝出漢關若到龍灣館何處是家鄉歸心轉自亂

其二

關口點車馬自然人語喧亦知歸意速胡不早開門

其三

歸夢隔東丘衰容滯北地何日得鄉書唯望春鴈至

其四

永夜苦無燈幾時爽我目東林旭日昇應知自故國

其五

殘堞自崩頽轅門空碧草誰人更繕修長歎立周道

其六

天晴朝日紅雨霽遠山碧驅騾海岸望漁艇泛丁隻

其七

年來頻北征行役何時畢艱苦無人知私情不敢述

過祖將牌樓

擁節臨沙漠虛名動塞垣欵降金虜壁遺臭石牌門
縱被專城陷寧忘四世恩千秋定唾罵忍耻至今存

有喜

回到柵門 王人擊 玉札及 御醞以來

鳳城歸路望無窮 玉札初從驛使通萬里 宮罇

霑 雨露此生難報 聖恩洪

次方叔重遊統軍亭

巍巍畫閣倚城頭俯瞰長江碧似油風景滿前歌管
動夕陽征客更淹留

松溪集卷之二

Blank columns for text within the main frame.

